

Uunga siunnersuut: Akileraaruserinermik ingerlatsineq pillugu Inatsisartut inatsisaata allannngortinneqarnissaa pillugu Inatsisartut inatsisaat nr. xx, xx. xxx 2019-imeersoq
Aningaasaqarnermut Nunanilu Avannarlerni Suleqatigiinnermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneernejarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Henrik Fleischer, Siumut
Inatsisartunut ilaasortaq Múte Bourup Egede, Inuit Ataqtigiit
Inatsisartunut ilaasortaq Jens Napaattoq, Partii Naleraq

UKA 2019-imi ulloq 3. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Nunanut allanut atatillugu aningaasatigut kontut pillugit nalunaaruteqartussaaitaanermut tunngavigineqartumi piffissaq paarinniffiususaaq pillugu nunatsinni maleruagassat nunani tamalaani periutsinut naapertuutsinneqalissasut siunnersuutigineqarpoq.

Aammattaaq siunnersuutigineqarpoq digitalimik kiffartuussisarfikkoortumik illuummik aalaakkaasumik attartortitsinermik sullissisartoq, suut sullissiviusimanersut aammalu attartortitsisumut tamatumunnga akiliutit pillugit akileraartarnermut ingerlatsivimmut paasissutissanik tunniussisassasoq. Siunnersuutigineqarpoq paasissutissiisussaaitaaneq aamma sullissisartunut digitalimik aallaaveqartut saniatigut allanik sullissinernik ingerlatitsivikkoortumik, kisianni attartortitsinermut akiliutit kiffartuussisarfikkoortumik

ingerlanneqartarlutik, suliaqartartunut aamma atuutissasoq. Kiisalu siunnersuutigineqarpoq kalaalimineerniarfinni, digitalimik aallaavigisani assigisaanniilluunniit tunisassianik aalisarnermeersunik, piniarnermeersunik, aallaaniarnermeersunik, savaateqarnermeersunik, eqqumiitsuliornermeersunik kusanartuliornerneersunillu akilerneqarlutik tuniniaassussisut, suut sullississutaasimanersut, kikkut akiliutinik tigusaqarsimanersut aammalu aningaasat qanoq annertutigisut pissarsisussap tigusimanerai il.il. ukiut tamaasa akileraartarnermut ingerlatsivimmut nalunaarutigisassagaat.

Siunnersuutip Inatsisartunit siullermeerneqarnera

Siullermeerinninnermi siunnersuut tapersorsorneqarluarpoq.

Tusarniaaneq

Siunnersuut piffissami 2019-imi 25. martsimit 29. aprilimut aammalu piffissami 2019-imi 26. junimit 3. julimut tusarniaassutigineqarsimavoq. Kukkusorneratigut siunnersuut Avannaata Kommunanut aammalu Kommune Qeqertalimmut tusarniaassutigalugu nassiunneqarsimanngilaq, taamaattumillu siunnersuut taakkununga piffissami 2019-imi 25. junimit 30. julimut immikkut tusarniaassutigineqarsimavoq. Tusarniaanermut akissutit tiguneqartut siunnersuummut nassuiaatini nassuiaatigineqarput.

Ataatsimiititaliap siunnersuummik suliarinninnera

OECD-mi periutsinut malinnittunngorlugu akileraartarnermut inatsit siunnersuut aqutigalugu pisariaqartutigut naleqqussarneqartoq ataatsimiititaliamit oqaatigineqassaaq.

Tamatuma saniatigut aningaasarsioqataasut paasissutissiinissamik pisussaaffilerneerisigut aviffigeqatigiilluni aningaasarsiornerup akileraartarnikkut suliarineqartarnera nukittorsarniarneqarpoq. Maleruagassat taakku nutaat piviusumik aqutsivigineqarsinnaanissaasa Naalakkersuisunit nakkutigineqarnissaa ataatsimiititaliamit pingaaruteqartutut isigineqarpoq. Paasissutissiisussaatitaanermut maleruagassat atuutilereerneranni sunniutaat aatsaat naliliiffigineqarsinnaassasut ataatsimiititaliamit ilimagineqarmat aalajangersakkat taakku sunniutaat qaqugu siusinnerpaamik nalilerneqarsinnaassanersut paasissutissiisutigeqqullugu Naalakkersuisut ataatsimiititaliamit qinnuigineqarput.

Siunnersuutip aningaasaqarnikkut kingunerisassai

Siunnersuutip aningaasaqarnikkut kingunerisassai nalinginnaasumik nassuiaatini allaaaserineqarput. Taakkununga ataatsimiititaliaq oqaaseqaatissaqanngilaq.


Ataatsimiititaliap inassuteqaatai

Siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.


Hermann Berthelsen
Siulittaasoq



Peter Olsen
Siulittaasup tullia


Malene V. Rasmussen

Karl-Kristian Kruse


Múte Bourup Egede


Henrik Fleischer


Jens Napaattoq